

黃

氏

宗

譜

自部

卷首二



数据加载失败，请稍后重试！

黃氏各派始祖

江西分寧

此一支以中埤爲始祖生子湜贈朝請大夫三世孫諱叔豹者俱爲推官五世孫諱庭堅字魯直號山谷者元祐中爲太史庭堅子諱相官至敷文閣大學士相子諱纓官至尙書世居江右分寧

福建福州晉江

此一支以百二府君三子諱佺者由明經任兵部員外郎隱於福州遂家焉數世後子孫蕃衍乃分居晉江有二十三世孫諱河清者於宏治十四年間以觀政進士蒙欽差諭祭珣公繼母韓氏至彭橋會族

金華

此一支以中輔爲始祖有三世孫諱潛者延祐元年登進士官至江西行省叅政封江夏郡公諡文獻

湖州

此一支宋祥符三年於溫州樂清縣下莊村徙居慈谿之鳴鶴鄉稱十三府君生子小一小二其小一居定海之江南小二居湖州之戴山又震澤一支有御史又一支住下

公諱瓊字世英漢永

臺閣習見故事及後

寶含珠經籍

子炎公傳

公諱琬字子炎少極聰慧祖

璣公

太守漢建和元年正月日食京師不見而瓊

公以狀聞詔問所食多少瓊公未有

以對公在旁曰何不云日食之餘如月之初瓊公

卽以其言應詔甚稱旨爲五官中郎將

巨川公傳

公由明經中紹興五年鄉舉隨登進士任應天府判遷御營使侍郎擢吏部侍郎生平

孝友敦篤忠信敏明鄉人聽其是非以爲曲直凡有爭訟不願之官而之公之廳以行

第爲貞十一卽呼十一廳及秦檜用事岳少保死嘆曰天下事可知吾其左袵矣遂周

視海濱登懸泥山曰是真可避世因請爲業結廬其間作招隱篇以貽弟巨澄及卒葬

梅川張輿山之原世傳黃侍郎墳有黃家衎洗馬池着衣亭基址子孫卽於懸泥山隱

處立廟祀之廟稱聖母祠以公配江南虞氏卽聖母也又立廟於四明亦如懸泥之式

今兩廟故跡尙存

此一支以元十府君諱繼宗者爲始祖

靈緒

此一支以元四府君諱常者爲始祖靈緒在定海縣官莊地方後有名震字東發者登進士學問淵源大有節槩不屑仕元乃隱於此作日抄百卷行世至今稱爲黃氏日抄係竈籍人丁甚眾

餘姚東山

此一支初于十一府君僑居新昌剡溪之畫堂後同謝長二公同擇東山善地居焉其三世孫名啓之者領宋乙卯鄉薦解元與謝疊山同登因元亂不就會試歸老東山之牧麓

燭溪

梅川

此一支以工部員外郎元十四府君諱繼冕者爲始祖係月川百二公五世孫

冶山

卽陳山地方

此一支以監察御史諱當者爲始祖

四明

此一支以三梧爲始祖生四子長文行孚八住剡川北莊次行行孚九住明州三忠行孚十住四明金子舉四信行孚十一住梁衝

黃豐橋

開原鄉

此一支從萬字行來近世以用一府君爲始祖至二十四世孫名騏者徙居越城府山之北生子化龍中萬歷癸酉科浙江鄉試乙未科廷試進士選行人隨卒今子孫已居越城

西迪

開原鄉

此一支係萬十一府君第三子元六府君由四明贅西迪金氏遂世居焉故西迪卽以元六府君爲始祖今子孫多清修好善

烏林

開原鄉

此一支乃千五公之五世孫公銛者行能入博士有孫翔龍登進士任修撰居開原卜家橋烏林卒葬龍蟠形今墳見存

梁家堰

孝義鄉

此一支以萬十八府君爲始祖其先自紹興府官漾而移居於冶山之竹塹又自竹塹

澤

蕭山

此一支以亨十三府君諱良懷者爲始祖住埭上對文筆峯歷來科貢不絕
諸暨

此一支以利十府君諱公謙者爲始祖後裔蕃衍分居廊下楓樹頭橫山

新昌

此一支西晉時有掌吏部官銜勅號宣威府君者致政歸隱於剡之五鄉山後子孫多
遷居於姚江慈水皆新昌剡縣畫堂遺裔也

鄞東

此一支以元八府君諱德之者爲始祖

鄞西

此一支以元七府君諱明之者爲始祖

東嶼

西嶼

跋

竊謂譜牒之作也不難於倣蘇法歐折衷之有自而難於敬宗收族聯絡之可憑譜牒之續也不難於搜殘補闕陳編之事新而難於率作興工謀爲之克遂此其大較也昔者東燦公以才德兼優之器任宗祠總領治公事更篤於私事族所藏惠揚公編次舊譜屢欲捐貲雕印既而蓉城期促雅志終虛迨乾隆丙申之歲補堂公起而贊成之始克付梓則信乎始事者之難於終事也同治庚午初夏尙錦公以續修譜事請於族太祖余盛暨宗房紳董等越日到祠公議衆志不從遂乃設局定稿焉惜乎尙錦公卽於是年八月去世今歲秋初宗譜於焉告竣而爲時已閱四寒暑矣是役也雖三弟振清堂姪孝治積數年之辛勤倖奏膚功第念一介書生偷懦憚事卽或優於摘句尋章必不能開物而成務設非尙錦公抗志主盟條規豫立則譜牒之修與不修有未可知者矣予也棲身塵市役志蠅頭蝟務倥傯未獲建一善豎一業爲閭里光茲於宗譜告竣之年聊綴數語以跋其後蓋以嘉尙錦公之志而并羨其相與有成焉云爾

昔

同治癸酉閏六月望後三日

宗支圖說

族譜有宗支圖傳者統貫源流以俟無窮也既有宗支傳矣復貫之以圖者何也傳以紀事實徵人品其正先後明統緒使舉目瞭然可以指畫者必資於圖也圖自一世至五世自五世至九世自九世至十三世自十三世至十七世自十七世至廿一世自廿一世至廿五世凡五世一始終者明宗法也宗法者何別子之後大宗惟一世世以嫡長子爲之此通族所宗戴記所謂百世不遷之宗也小宗有四嫡長子爲父後者親弟宗之是謂繼禰之宗嫡長孫爲祖後者從兄弟皆宗之是謂繼祖之宗嫡長曾孫爲曾祖後者再從兄弟皆宗之是謂繼曾祖之宗嫡長元孫爲高祖後者三從兄弟皆宗之是謂繼高祖之宗至五世而復窮則祖遷於上宗易於下此戴記所謂五世而遷之宗也故倣蘇氏以五紀世所以明小宗之法而大宗在其中矣雖非時制亦以存古也男書名女不概入明所尊也且女所以適人也無名則書行第以名乃父所命而人不可妄加也出繼於同宗者直附名於繼父之下從所屬也乞養異姓子及以子養於異姓者止書其子不錄其後謹宗盟也同異不明者亦如異姓例寧過於慎毋流于濫也各府州縣并各都隅諸族自九世以下仍舊譜不續書以改其世次以散漫難齊不容苟且以易之惟江右金華之錄者以文獻公潛太史公庭堅可據也福州晉江亦收之者

以二世倅隱於福州而其子孫分居於晉江也其居浙之各府州縣者則湖州之戴山
震澤小浦明州之東嶼西嶼定海之靈緒舟山紫薇嶼及奉川也其同郡者紹興之官
樣蕭山之埭上上虞新昌嵊縣諸暨皆吾姚之分居也其在吾姚之三十六都則星羅
鼎立散處尤多有居四明梁衝及金子嶼者有居梅川之彭橋及茅埭廟後者有居通
得之竹橋古路鳳亭之泉水螺碧山及破嶺者其在孝義則吾梁家堰及克山也有居
開元之黃豐橋及西迪烏林者有居東山之莫家嶺者有居燭溪之登水堰者有居陳
山黃家竹塹及石堰南者則冶山龍泉之都也有居上林之望祖橋黃家墩者有居滄
山之西者其在邑城則東南東北二隅寺衝口史家埠黃橋頭鳳山橋外後清門北也
凡上所陳皆南渡而來雖分居而實共派厯厯有徵各非誣罔牽綴予素有志參攷會
同以聯族屬以彰我黃氏之一本奈身羈薄宦無有暇日幸吾宗兄明泉公宦成養靜
既負平生譜學之邃又喜山中日月之長至老耳目聰明精神鼓舞各宅俱親造訪集
其所存訂其所譌刪其所繁增其所缺序昭穆定稱謂繪圖立傳纖悉無遺眞盛舉也
乃希世之譜矣於是乎作宗支圖說

萬厯壬午仲夏吉旦

賜進士奉政大夫刑部清吏司郎中裔孫兆隆頓首撰

而至梁家堰傳至頤庵公諱仕仁者富而好義生子名琪登成化辛丑科進士官至叅政琪子思齊登靖嘉壬午科舉人有孫兆隆復登隆慶辛未科進士官至雲南大理知府

克山

雲柯鄉

此一支原住四明至福十一府君子宇三者徙居克山

竹橋

古路

俱通德鄉

此二支皆以萬二府君爲始祖

泉水

孝義鄉

此一支自萬二府君後裔分去亦同以爲始祖

螺碧山

孝義鄉

此一支以萬十七府君爲始祖乃千十九府君孝廉之長子因貿易由明州至姚江見鳳亭山明水秀遂置產居焉又有一支分居破嶺

上林

此一支以細字行爲始祖分爲三處一住東輿一住望祖橋一住黃家墩

東北隅

此一支以萬七府官爲始祖與弟萬九萬十一萬十二俱載四明譜內後分居邑城
東南隅

此一支以萬四府君之四世孫良愷行亨十三者爲始祖

凡例

一譜中舊序文俱照舊所存者錄入以誌歷代藏守之堅并示前世垂模之遠

一舊譜所載勅誥墓銘勢不能遍攬旁搜終未免挂一漏萬姑將近存者錄於譜

一先人有功業德行文藝者宜皆有表章之詞舊譜不少概見卽如文僖公贊亦近從追尋錄出茲謹按應有而未備者不揣鄙陋勉爲補入

一有不書某諱某字而單書乳名及排行者以其未曾從師讀書本不立有字諱也亦有子孫不能傳述或無子孫而旁支不克傳者亦從斯例其於娶氏亦然

一世系於本身一格先書曰子幾然後於下格書其子今於夫婦現在而俱老者遂書定子數或其夫已故而妻尙存者固定之或其妻已先故者亦定之倘繼娶而更有子則復於繼娶之下又定之其年少而正應有子者照現在書之不留空格於以見修譜之年月所在俟後人續修可就此譜而增益演開如未有子者可不必預書子字

一立嗣者應查繼子某人列名繼父之下又復書名生父之下者知所自也

一凡不娶無子絕先祖嗣者不孝也或以他有所戀而至於不配或以怠緩因循而失時不配者必加不配兩字其貧而不得娶者亦然

一婦人守志有少年失耦并孤苦無依而以冰雪自勁者始書克完貞節四字不然雖經

旌表難免公論

一婦人以夫死而出嫁者宜註再醮某姓知有實落有娶妾而不知其姓則空其姓

一生女不載彼既承他姓之宗祧則他姓自有書之者舊譜間有或書今刪之

一有可疑議而不便入譜者卽伊親力懇贅入亦難私允倘有因其不載而咎之者請質宗房必非無因亦非無擬寧使一人之曉曉斷不受千百人之排摘也

一螟蛉一條本屬無謂彼乏嗣者自有應繼承祧何用異姓所以律禮森嚴但查闔族出繼外嗣者固不能無而螟蛉異姓者正自不少其中倘徇世俗情面致混入世系以亂宗支不特上獲罪於宗祖抑且下遺誚於子姓今另表其世系姓氏彙載於下冊譜末使後之覽者略知端本澄源之意云

一舊譜蘇式不書年庚卒葬所以世遠年湮茫然無考今已易蘇式而倣歐式一一細查入譜不待智者而知歐式之詳蘇式之略矣但欲求其詳而間有不及詳者其中先世年庚多緣宗譜八世不修以至神主失檢固難詳載亦有神主現在可考而伊孫不識登譜直至再四相請猶嫌繁瀆支離而終不一悟所以闕焉不詳非秉筆者之偶遺也覽譜者諒之

一譜當三世一修蓋一世之中老者逝壯者老少者壯生者長未生者生若至三世以下

譜學凡例釋義

天下之生久矣天子生而有天下公侯伯子男生而有國卿大夫士庶人生而有邑有家自天子以至於庶人莫不各紀其事以垂後裔是故以朝廷則有史也以郡國則有志也以邑則有籍也至於士庶人之家則有譜焉譜之義卽有同於籍與志與史也所係豈細故哉是故籍稽民數譜之衍世系敘生卒似之志列山川禮樂文章譜之表宅里形葬兆本世業明家法纂文墨似之史勸懲善惡譜之考厯履著顯幽旌別淑慝似之故譜與籍同記載與志同採摘與史同權衡一物而三道備焉昔漢宣之明不能核屬籍孟堅之博不能備漢志永叔之文不能正唐史而今顧欲秉筆以事譜夫豈易易哉故與籍同記載則講求欲廣以審欲參以覈與志同採摘故訂正欲詳以達欲嚴以法與史同權衡故取舍欲直以平欲公以明不肖叨宗名胄式續箕裘窮年兀兀馳騁於諸子百家之篇章弱冠入泮隨補廩員十試棘園霜蹄屢蹶坐對芙蓉憮然興嘆年及知命得領鄉貢始分訓於青州之樂安仕至於開封之教授休養林泉春光荏苒倏已七旬有餘昔虞卿窮愁著書以洩忿因思吾族譜牒一節乃爲大事久而不修必至中斷湮沒深爲可悼遂奮然持毫就館裒舊綴新多人搜輯欲其廣也逐支磨勘欲其密也聚眾稟議欲其參也合譜校讐欲其覈也事不遺細欲其詳也語不求華欲其達

也討論必精欲其嚴也紀錄必正欲其法也臧否並行欲其直也誅求不過欲其平也怨德不入於心欲其公也善惡必原其情欲其明也萬厯丁丑之夏冒暑不知其勞蚤夜以思以至萬厯甲申之秋始得成帙自宋建隆元年迄今

皇明萬厯十有二年已經二十八世其間事有可攷者無不畢書書各有例例各有義前繪宗支圖而後列宗支傳者統貫源流以俟無窮也其宗圖以五紀世者寓宗法也大宗百世不遷小宗五世而遷也舊譜或兼錄宗法而今削之者周家封建世祿通於天下今文臣任子武臣襲蔭外俱宗長柄事而宗子無權也宗傳先書行第後系以名字者族以差長少爲先後也敘生卒者不忘忌諱也書履厯者貽實錄備觀法也善者大書特書光先德也惡者微婉其詞崇厚道也善惡不關於大體者不錄不足以繫世教略之也事涉陰私者不書恐蹈攻發之弊惡訐也大惡顯著而蓋棺者則書此沒齒不悛示戒也存葬地者存邱隴也書義葬美捐地捐資而葬之者也不葬則書罪不葬者也子有子罪子無子罪親兄弟無親兄弟則罪遠兄弟及親戚朋友也書娶某氏隆世本也書某處某氏告世講也不娶者書痛絕嗣也妾不書崇嫡也有子則書邇所出也妻與妾有子而其夫出之者書被出薄其責也夫沒而故嫁者斥書故嫁罪忘夫也以同姓子爲後以子爲後於同姓者宗圖直附於繼父之下從所屬也復存名於生父之下不

沒實也養異姓子爲子及以子養於異姓者止書其子不錄其後謹宗盟也遠去無採訪者不錄其後闕以待信也同姓子始冒他姓而後求復本姓者仍錄其後念本始也人或傳言其爲異姓子而舊譜不明之者今如同姓例概書其後示信譜也女書所適外之也蓋有受我而厚之者也且正戚屬也見出於其夫者書後所適絕之也夫沒而改嫁者後夫雖貴顯不書訓從一也殤不書未成人也長殤有後及卓異可紀者則書成人之道也事無可考者不書不傳疑也凡各鄉各支有通顯者皆撮書之錄賢才且廣教也其世數先後一以家藏舊譜爲證與

皇明各支舊譜大同小異者信古也譜前後錄新舊序文者續前緒提後覺也書修譜人氏及前後之有勞於譜事者獎賢勞且勸後以志不忘也埋頭俛首靜想覃思起自萬厯五年丁丑季夏至十二年甲申秋九月始得就緒但事成獨斷述涉管窺昔紫陽夫子釐通鑑以修綱目猶自懼無以免後人之議今日輯譜之事其能免於自懼哉若夫刊譌訂謬以求歸一深有望於後之君子

崑

萬厯十二年甲申歲九月上浣之吉

二十一世孫汝通謹釋